

" মিষ্টি বাচ্চারা - সত্য বাবার সাথে সদা সত্যতা রক্ষা করো , বাবাকে সত্য কথা না বললে পাপ বৃদ্ধি পেতে থাকবে । "

প্রশ্ন :- রুদ্র যজ্ঞের রক্ষক সত্যিকারের ব্রাহ্মণদের চিহ্ন কি এবং তাদের ধারণা শোনাও ?

উত্তর :- যজ্ঞের রক্ষাকারী ব্রাহ্মণরা কখনো কোনো উল্টো কর্ম করতে পারবে না । তারা দেহী - অভিমানী হয়ে প্রথমে নিজেদের রক্ষা করবে । তাদের মধ্যে রাবণের কোনো অংশ বা ভূত থাকবে না। তাদের ব্যবহার খুবই মিষ্টি হবে । বাবার সঙ্গে তারা সর্বদা সত্যতা বজায় রাখবে । কোনো আসুরী মানুষ যদি ভুলও করে , তাহলেও তাদের ওপর ক্রোধ করবে না । প্রতি কর্মে বাবার নিদর্শন রাখবে।

গীত :- যে পিয়ার সঙ্গে আছে

ওম্ শান্তি । যারা পিয়া অর্থাৎ বাবার সঙ্গে আছে - সেইসব ভাই এবং বোনেরা , একে অপরকে সাহায্য করে থাকে । অন্য কোনো সেন্টারে তো এমন হয় না । এখানেই এমন নিয়ম । যতক্ষণ পর্যন্ত না বাপদাদা আসেন ততক্ষণ পর্যন্ত একজন অপরজনকে বাপদাদার সঙ্গে বুদ্ধিযোগ লাগানোয় সাহায্য করার জন্য যোগে বসে । তারা নিজেরাও যোগে বসে এবং অন্যকেও ইশারার দ্বারা যোগে বসতে সাহায্য করে । তারা বলে , আমরাও বাবার স্মরণে বসেছি , তোমরাও বসো । বাচ্চারা জানে যে শিববাবাকে স্মরণ করলে আমাদের বিকর্ম ভস্ম হবে । তোমাদের একজনকে অন্যজনকে সাহায্য করতে হবে । যারা সামনে বসে তাদেরও সেই সময় স্মরণে থাকতেই হবে । এমন নয় যে ছাত্রদের বললো তোমরা বাবার স্মরণে বসো আর শিক্ষকের বুদ্ধিই এদিক ওদিক সম্বন্ধীদের মধ্যে ঘুরতে থাকলো । এতো শোভা পায় না । যাতে শিক্ষকের উপর দোষ না পড়ে তাই প্রথমেই নিজের বুদ্ধিকে এই অবস্থায় রাখতে হবে । আমরা বাবাকে স্মরণ করছি বিকর্ম বিনাশ করার জন্য । এতে কিছু বলারও দরকার পরে না । তোমাদের বুদ্ধিতে তোমরা বুঝতে পারো যে -বাইরের দুনিয়ায় থাকা মানুষদের মধ্যে তাদের জাগতিক কর্ম , মিত্র - সম্বন্ধী , গুরু - গোঁসাই ইত্যাদির অশান্তি চলতেই থাকে । বুদ্ধিও সেখানেই চলে যায় । এখানে তো তোমাদের কোনো জাগতিক ব্যবসা নেই । এখানে তোমরা বাবাকে খুব ভালোভাবে স্মরণ করতে পারো , যত সম্ভব বাবাকে স্মরণ করা উচিত । যদি মিত্র - সম্বন্ধীদের স্মরণ আসে , বুদ্ধি এদিক ওদিক গেলে দণ্ড খেতে হবে । যারা যোগে না থাকে তারা বায়ুমন্ডলকে অশুদ্ধ করে দেয় । সবাই তো আর বাবার স্মরণে থাকে না । কেউ কেউ কখনো সত্যিকথা বাবাকে বলে না যে আমাদের যোগ লাগে না , অন্য মানুষদের কথা মনে এসে যায় । সত্যিকারের বাচ্চারা বাবার কাছে এসে চট করে এই কথা শোনায় যে আমাদের দ্বারা এই পাপ হয়ে গেছে । অমুকের ওপর রাগ করেছি , তাকে মেরেছি । অনেক বাচ্চারাতো সত্যি কথা কখনো বলে না। তখন এই অভ্যাস আরো গভীরভাবে হয়ে যায় । অনেক বিকর্ম হতে থাকে । আগে মাঝা কাছারি করাতেন । তিনি জিজ্ঞেস করতেন , তোমরা কেউ কোনো বিকর্ম করেছো কি ? এ তো বাবা বোঝান যে সত্যি কথা না বললে দণ্ড খেতে হবে । লাভের বদলে লোকসান হয়ে যাবে । সত্যতা রেখে খুব অল্পজনই চলে , যারা এই সত্য বাবার সেবায় সত্যতা রেখে চলে । যে কোনো মানুষকে বাবার পরিচয় দেওয়া খুবই সহজ । কিন্তু প্রদর্শনী ইত্যাদিতে এতো লোক আসে তার মধ্যে খুব অল্প লোকই বুঝতে পারে । কেবল ভুল ধারণা দূর হয়ে যায় । তার মধ্যে যারা ব্রাহ্মণ কুলের হবে তাদের বুদ্ধিতে

এই কথা বসবে । বাকি আসুরী সম্প্রদায় বুঝবেই না । এই সঙ্গম যুগেই একদিকে আসুরী সম্প্রদায় আর একদিকে দৈবী সম্প্রদায় । তোমরা এখন দৈবী গুণ ধারণ করে দৈবী সম্প্রদায় তৈরী হচ্ছে । এখন তোমরা হলে ব্রাহ্মণ সম্প্রদায় আর অন্যরা হলো শূদ্র সম্প্রদায় । এই সব রহস্য তোমরাই জানো। তোমরা ৬৪ জন্মের চক্র শেষ করেছো । এখন আবার চক্র নতুন করে ঘুরবে । এখন এই চক্র শেষ হতে চলেছে এরপর তোমাদের এখন থেকে ওপরে যেতে হবে । বাকি ছবি দেখে অনেকেই কিছু বোঝে না তাই বাবা বলেন এরা হলো আসুরী সম্প্রদায় , পাথরতুল্য বুদ্ধি । এইসব নাম নাটকে নিহিত আছে । বাবা বোঝান যে , আমি গরীবের ভগবান । গরীবরাই দান গ্রহণ করে । এখানেও গরীবরাই আসবে । তাদেরই তোলায় চেষ্টা করো । যেমন কুরুক্ষেত্রে লক্ষণ বাম্বা , তার এই সেবার অনেক শখ । যত সময় পাওয়া যায় গ্রামে গ্রামে গিয়ে প্রজেক্টার দিয়ে এই সেবা করে । আগে থেকেই সে জানিয়ে দেয় যে আমি আপনাদের এই পৃথিবীর ইতিহাস এবং ভূগোল প্রজেক্টার দিয়ে বোঝাবো । বাবা বোঝান যে এক একটি ছবি ধরে খুব ভালো করে বোঝাও যে পরম পিতা পরমাত্মা হলেন বেহদের বাবা , তাঁর জন্ম এই ভারতেই হয় । শিব জয়ন্তী এই ভারতেই পালন করা হয় । বাবা এই ভারতে এসেই ব্রহ্মার দ্বারা বিষ্ণুপুরীর স্থাপন করেন । ত্রিমূর্তির চিত্র একনম্বর । এর সামান্যতম জ্ঞানও কারোর নেই । ত্রিমূর্তি নামে একটা বড় বাড়ী আছে , তাই তোমাদের জিজ্ঞেস করতে হবে যে ত্রিমূর্তি নাম কেন রাখা হয়েছে । ত্রিমূর্তি কারা ? তোমরা পেপারেও দিতে পারো যে ত্রিমূর্তিতে কার কার স্মরণ করা হয় ? রাস্তার নাম রাখার জন্যও কোনো কমিটি থাকে । কিন্তু ভারতবাসী যাঁর পূজো করে তাঁর কাজ সম্বন্ধেই জানে না । না হলে নিজেদের দেবী দেবতা ধর্মেরই বলতো । কিন্তু যখন থেকে রাবণ রাজ্য শুরু হয়েছিল , তখন থেকে নিজেদের হিন্দু বলতে শুরু করেছিলো আর ভারত খণ্ডকে বদলে হিন্দুস্থান খণ্ড করে দিয়েছিলো । রাবণ রাজ্যের সময় থেকে হিন্দুস্থান নাম শুরু হয়েছিলো । এখন এই কথা যখন কারোর সময় হবে তখন সে বুঝবে । তারাই সময় এবং সুযোগ পাবে যারা দেবতা হবে । তারাই এখানে আসতে থাকবে । তাদেরই অস্তিমজ্জা এখন নরম করা শুরু হয়েছে । জ্ঞান আর যোগ অগ্নির দ্বারাই পাথর তুল্য বুদ্ধিদের নরম করা হয় । প্রদর্শনীতে খুব ভালো করে বোঝালে এরা নরম হতে থাকে । কেউ কেউ তো এমন থাকে যেন সম্পূর্ণ পাথর , তাদের বারুদ ছাড়া শোধরানো যায় না । তোমাদের তো পরিশ্রম করতেই হবে । শেষের দিকে কাউকে তো থাকতেই হবে । কেবলমাত্র যারা নির্ভয় , যাদের বুদ্ধিযোগ এক বাবার সাথেই থাকবে , তারাই থেকে যাবে । অনেকেরই এই ভয়ের রোগ থাকে । রাত্রে বাবা শিব কুমারকে বলছিলেন, তুমি তো বাবার থেকেও নির্ভীক । গরুকে দেখেও ভয় পাও না । গরু তার মালিক ছাড়া আর কাউকেই কাছে আসতে দেয় না । এখন মানুষের বুদ্ধিও পশুর তুল্য হয়ে গেছে তাই তাদের বানর সম্প্রদায় বলা হয় । নারদও তো মানুষই ছিল । তবুও তাকে বলা হয়েছিল, আয়নায নিজের মুখ দেখো । তোমার মধ্যে আসুরী গুণ আছে । এক নম্বরে হল দেহ - অভিমান । ভগবান নিজেই বলেছেন - এরা হলো বানর সেনা । শাস্ত্রে লেখা আছে - সীতা চুরি হয়েছিলো , তখন বানর সেনা নেওয়া হয়েছিলো । এখন রাবণ তো কোথাও নেই । দশ মাথাওয়ালা রাবণ সীতাকে কিভাবে নিয়ে যাবে ? এ খুবই আশ্চর্য লাগে । এমন কিছু পাথর বুদ্ধিসম্পন্ন মানুষ আছে যারা এগুলোকেই সত্যি - সত্যি বলতে থাকে । বানর সেনাই বা কোথা থেকে আসবে । এখন এই কথা সিদ্ধ হয়ে গেছে যে এই কলিযুগী মানুষই বানর তুল্য । বাবা এসেই আবার তাদের দেবতা বানান । তোমরা সকলকেই বোঝাও যে ভারত একদিন কি ছিলো । বাবা এসেই পতিত মানুষকে পবিত্র বানিয়েছিলেন । তাই বাবা বলেন যে এরাই কংস , জরাসন্ধ এবং শিশুপাল । এই মানুষদের কার্যকলাপ ওদেরই মতো । এ সকল কথাই এই সঙ্গম যুগের । বাবার বোঝানো আর শাস্ত্রের মধ্যে কতো রাত - দিনের তফাত । যখন থেকে রাবণ রাজ্য শুরু হয়েছিলো

তখন থেকেই মানুষ নিজেদের হিন্দু বলতে শুরু করেছিলো। জগন্নাথের মন্দিরও আছে। যখন দেবতারা বাম মার্গে গিয়েছিলো, তখনই হিন্দুস্থান নাম রাখা হয়েছিলো। সবাই হিন্দু - হিন্দু বলতে থাকে। তাদের জিজ্ঞেস করো যে হিন্দু ধর্ম কে স্থাপন করেছিলো তখন তারা বলতেই পারবে না। লক্ষ্মী - নারায়ণকে কেউ হিন্দু বলেই না। তাঁরা তো দেবী - দেবতাই ছিলেন। মিষ্টি -মিষ্টি সিকিলধে বাচ্চারা, তোমরা তো এখন তোমাদের পিয়ার সাথে আছো। তোমরা প্রত্যক্ষভাবে বাবার বর্ষা বা সম্পত্তি পাছো। তাই তোমাদের কতটা ভালো হওয়া চাই। এ হলো শিববাবার রুদ্র জ্ঞান যজ্ঞ। তোমরা ব্রাহ্মণরাই হলে এই যজ্ঞের রক্ষক। ব্রাহ্মণরাই এই যজ্ঞের রক্ষা করে আর ব্রাহ্মণরা যতক্ষণ সময় এই যজ্ঞ রক্ষা করে ততক্ষণ তারা পতিত হয় না। এতো অনেক ভারী যজ্ঞ। ব্রাহ্মণরা কখনোই পতিত হয় না। অনেকে বাবাকে লিখে জানায়, বাবা মুখ কালো করে ফেলেছি। আরে, এ হলো শিববাবার যজ্ঞ। সেখানে সমস্ত ব্রাহ্মণরা, যারা যজ্ঞের রক্ষক তারা উল্টো কাজ করতেই পারে না। তাদের তো সম্পূর্ণ দেহী - অভিমানী থাকতে হবে। কোনো বিকার থাকতেই পারবে না। নিজেদের রক্ষা করতে হবে। নাহলে বুঝতে হবে এরা বাঁদর - বাঁদরী। এরা অনেক পাপের ভাগীদার হয়ে যাবে। ব্রাহ্মণ হয়ে কোনো পাপ কর্ম করলে তার দণ্ডও অনেক ভারী হবে। বলা হয় - এ হলো পূর্ব কর্মের ভোগ। এখন তো বাবা তোমাদের কর্মভীত বানাচ্ছেন। তাই কোনো বিকর্ম করো না। ব্রাহ্মণদের মধ্যে কোনরকম ভূত থাকা উচিত নয়। না হলে রাবণের অংশ হয়ে যাবে। না হবে এদিকের না ওদিকের। এ তো শিববাবার যজ্ঞ তাই না। কোনো পাপ কর্ম করলে ধর্মরাজের থেকে অনেক দণ্ড খেতে হবে। যদি এই যজ্ঞে কোনো অপবিত্র কাজ করো তাহলে অনেক দণ্ড ভোগ করতে হবে। খুবই মিষ্টি হতে হবে। যদিও আসুরী মানুষ কিছু কিছু ভুল করতেই থাকবে। কিন্তু তোমাদের বাচ্চাদের কখনোই ক্রোধ আনা চলবে না। সত্যিকারের ব্রাহ্মণদের অনেক সত্যতা রাখতে হবে। যে কেউ এলেই তাদের পথ দেখাতে হবে। বাবা বলেন আমি যদি ঘুড়ি ওড়াতে ওড়াতেও কেউ সামনে এলে তাকে বোঝাতে পারি। বাবাকে স্মরণ করলেই বিকর্ম বিনাশ হবে। এইকথা যেকোনো কাউকেই তোমরা বোঝাতে পারো। কিন্তু তার আগে নিজেদের মধ্যে সেই গুণ রাখা চাই। যে কোনো ধরনের খারাপ কাজ করা উচিত নয়। নাহলে অনেক সাজা খেতে হবে। মৃত্যু সামনে দাঁড়িয়ে আছে। এ হলো মহাভারী মহাভারতের লড়াই। বাবা তোমাদের রাজযোগ শেখাচ্ছেন নতুন দুনিয়ার জন্য। পুরোনো দুনিয়ার বিনাশ তো হতেই হবে। এইসব তোমরা সবাইকে বোঝাতে পারো। কিন্তু প্রথমে নিজেকে অপগুণ মুক্ত করলেই সর্বগুণ সম্পন্ন ১৬ কলা সম্পূর্ণ হতে পারবে। যজ্ঞের ব্রাহ্মণদের তো এই যজ্ঞের রক্ষা খুব ভালোভাবে করতে হবে। খুবই মিষ্টি হতে হবে। যে কোনো লোক দেখলেই যেন বলে এর মধ্যে কোনো দেহ - অভিমানই নেই। অতিথিদের তো সবসময় খাতির করা হয়। সুপুত্র বাচ্চারা বাবার পরিচয় দেবার জন্য অনেক খাতির করবে। বাবার অনেক বাচ্চা, সবাইকেই বোঝাতে থাকে। বাবা এই ভারতেই এই বেহদের যজ্ঞ রচনা করেছেন। তোমরা ব্রাহ্মণরাই এই বিশ্বের মালিক হবে। পরিশ্রম তো করতেই হবে। পবিত্রতার ওপর কতো ঝগড়া হয়। স্ত্রী যদি জ্ঞানে থাকে আর পুরুষ না থাকে তাহলে তো অবশ্যই ঝগড়া হবে। তোমাদের বাচ্চাদের তো খুশীতে নাচ করা উচিত। কিন্তু এ সবই হলো গুপ্ত। আত্মা তো সুখ অনুভব করে। আমরা ভবিষ্যতে এই বিশ্বের মালিক হতে পারি। এখানে যারা থাকে তাদের পক্ষে তো খুবই সহজ। এখানে তো কোনো জাগতিক কাজকর্ম থাকে না। তোমাদের ব্যবহারে খুবই মিষ্টতা আনতে হবোভূতনাথ হলে এই বিশ্বের মালিক কিভাবে হবে। নিজের এই কামানোকে তো দাগ লাগিয়ে দাও। এই ভূতকে একদম ভাগাতে হবে। সুপুত্র বাচ্চাদের কাজই হলো সাবধান থাকা। আমরা কখনোই বাবার নাম বদনাম করবো না। ভূত যখন প্রবেশ করে তখন তারা বুঝতেই পারে না যে আমাদের

মধ্যে ভূত আছে। পাঁচ বিকারকে ভূত বলা হয়। ওই দুনিয়া হলো নিষ্পাপ দুনিয়া, আর এই দুনিয়া হলো বিকারী পাপের দুনিয়া। তাও মানুষ কিছুই মানে না। অনেক মত - মতান্তর আছে। এই নাটকের নিয়ম অনুসারে বাবা এসেই এক মত বলেন। এও কেউ জানে না। কেবল বলতে থাকে এক মত হওয়া চাই। আরে যখন অনেক ধর্ম, অনেক মত আছে তখন এক মত কি করে হবে। স্বর্গেই এক ধর্ম আর এক মত ছিলো। কোনো মানুষ কি একাই স্বর্গ স্থাপন করতে পারে? পারে না। এ কতো আশ্চর্যের কথা। কেউ যদি সবসময় বিচার সাগর মন্ডন করে তাহলে ভূত প্রবেশ করতে পারবে না। কোনো ভূতের প্রবেশ ঘটলে মুখের আকৃতিই বদলে যায়। কোনো একজনকে মানুষ থেকে দেবতা বানিয়ে দেখাও। এই হলো তোমাদের উদ্দেশ্য। মালী যদি ভালো ভালো ফুলের কলম লাগিয়ে বড় বাগান বানায় তাহলে সেই বাগানের মালিক অবশ্যই এসে তা দেখবে। আচ্ছা।

মিষ্টি - মিষ্টি হারানিধি(সিকীলধে) বাচ্চাদের প্রতি মাতা - পিতা, বাপদাদার স্মরণ, ভালোবাসা এবং সুপ্রভাত। রুহানী বাবার রুহানী বাচ্চাদের নমস্কার।

ধারণার জন্য মুখ্য সার :-

১) কোনো ভূতরূপী বিকারের বশীভূত হয়ে নিজের কামাইকে কমানো যাবে না। এই বিকারের ভূতকে বের করে সুপুত্র হতে হবে।

২) বাবা তোমাদের বিকর্মজীত বানাতে এসেছেন, তাই কোনোরকমের বিকর্ম করবে না। তোমাদের ব্যবহার খুবই মিষ্টি করতে হবে। সবাইকে বাবার পরিচয় দিতে হবে। সবসময় নির্ভয় থাকতে হবে।

বরদান :- বিস্তারকে সারে এনে নিজের শ্রেষ্ঠ স্থিতি বানিয়ে বাবার মতো লাইট এবং মাইট হাউস হও।

বাবার মতো লাইট এবং মাইট হাউস হওয়ার জন্য কোনো বিষয় যদি দেখো বা শোনো তাহলে তার সারকে জেনে এক সেকেন্ডে তাকে ছোটো করা বা পরিবর্তন করার অভ্যাস করো। কেন বা কি-এর বিস্তারে যেও না, কেননা যে কোনো বিষয়ের বিস্তারে গেলে সময় এবং শক্তি ব্যর্থ হয়। তাই বিস্তারকে ছোটো করে সারে স্থিত হওয়ার অভ্যাস করো -- এরফলে অন্য আত্মাদের এক সেকেন্ডে সমস্ত জ্ঞানের সার অনুভব করাতে পারবে।

স্লোগান :- নিজের বৃত্তিকে শক্তিশালী বানাও তাহলে সেবায় তত্ত্বগাং বৃদ্ধি হবে।